

BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
OPĆINSKI SUD U ZENICI
Broj: 43 0 St 251547 24 St
Zenica, 04.03.2025.godine

Općinski sud u Zenici, stečajna sutkinja Sanja Pavlić, u stečajnom postupku koji je pokrenut po prijedlogu predlagatelja Društvo za trgovinu i usluge AKABI d.o.o. Zenica, Tešanjaska broj 82., Zenica, koga zastupa Samir Šišić, direktor društva, za otvaranje stečajnog postupka nad samim sobom kao stečajnim dužnikom kao podnositeljem prijedloga, donio je 04.03.2025. godine sljedeće:

R J E Š E N J E

Pokreće se prethodni postupak radi utvrđivanja uvjeta za otvaranje stečajnog postupka nad stečajnim dužnikom Društvo za trgovinu i usluge AKABI d.o.o. Zenica, Tešanjaska broj 82., Zenica.

1. Za privremenog stečajnog upravitelja imenuje se Nura Soldin, Talića brdo 1 a, Zenica.
2. Privremeni stečajni upravitelj dužan je:
 - utvrditi da li postoje razlozi i uvjeti za otvaranje i vođenje stečajnog postupka, te podnijeti izvještaj sudu u roku od 30 dana.
 - utvrditi da li je stečajni dužnik odnosno organ ovlašten za zastupanje stečajnog dužnika podnio prijedlog za otvaranje stečajnog postupka u roku od 60 dana od dana nastupanja platežne nesposobnosti
 - obezbijediti imovinu i starati se o imovini dužnika,
 - izvršiti pregled dužnikovih poslovnih prostorija i izvršiti uvid u poslovne knjige i dokumentaciju dužnika,
 - ispitati da li imovina stečajnog dužnika može pokriti troškove stečajnog postupka
 - utvrditi da li se poslovanje stečajnog dužnika može u cjelini ili djelimično nastaviti u toku prethodnog postupka,
 - dužan je da stečajnom sucu položi račun i podnese izvještaj o svom radu za period privremene uprave.
3. Ročište radi utvrđivanja uvjeta za otvaranje stečajnog postupka određuje se za dan 07.05.2025. godine u 12,00 sati u zgradi ovog suda sudnica broj 29/II.
4. Na ročište se pozivaju:

Predlagatelj: Društvo za trgovinu i usluge AKABI d.o.o. Zenica, Tešanjaska broj 82., Zenica, koga zastupa Samir Šišić, direktor društva,

Protupredlagatelj: Društvo za trgovinu i usluge AKABI d.o.o. Zenica, Tešanjaska broj 82., Zenica, koga zastupa Samir Šišić, direktor društva

i

Privremeni stečajni upravitelj: Nura Soldin, Talića brdo 1 a, Zenica.

5. Ovo rješenje se dostavlja strankama, objavljuje na oglasnoj tabli suda, web stranici suda-elektronskoj tabli suda, „Službenim novinama Federacije BiH“ i na internet stranici FIA-e.

O b r a z l o ž e n j e

Predlagatelj kao stečajni dužnik je ovom sudu podnio prijedlog za otvaranje stečajnog postupka 03.10.2024. godine u kojem navodi da društvo ne posluje niti obavlja djelatnost skoro dvoje godine što je vidljivo iz priloženog Bilansa uspjeha za 2023 godinu, u kome nisu evidentirani ni poslovni, a ni ostali prihodi, a rashodi se odnose na obračunate plate i pripadajuće vodne naknade, posebne naknade za zaštitu od elementarnih nepogoda u ukupnom iznosu od 12.211,92 KM, da iskazani gubitak za 2023. godinu iznosi 12.211,92 KM, te da tokom 2024. godine nije bilo poslovnih aktivnosti. Naveo je također da ukupne obaveze iznose 39.890,97 KM te da se u cijelosti odnose na kratkoročne obaveze koje se sastoje od obaveza prema dobavljačima u iznosu od 638,28 KM, kratkoročni zajmovi drugih lica u iznosu od 7.000,00 KM, obaveze za neto plate u iznosu od 22.028,00 KM, doprinosi na plate u iznosu od 10.218,96 KM i obaveze za PDV u iznosu od 5,73 KM, kao i da društvo nema stalnih sredstava, a evidentirana je kratkoročna imovina u iznosu od 738,60 KM.

Radi utvrđenja da li postoji stečajni razlog i da li postoje uvjeti za otvaranje stečajnog postupka sud je odlučio pokrenuti prethodni postupak i u tom pravcu imenovao je privremenog stečajnog upravitelja Soldin Nuru sa liste stečajnih upravitelja, te mu naložio da izvrši sve radnje navedene u izreci ovog rješenja, a sve u skladu sa odredbama čl. 61. stav 1. i 2. i čl. 63. Zakona o stečaju („Sl. Novine F BiH“ broj: 53/2021).

Na osnovu iznesenog, primjenom navedenih propisa odlučeno je kao u izreci rješenja.

PRAVNA POUKA:

Protiv ovog rješenja stečajni dužnik može izjaviti žalbu Kantonalnom sudu u Zenici u roku od 8 dana, putem ovog suda, od dana prijema rješenja. Žalba se podnosi u dva primjerka.

Stečajna sutkinja
Sanja Pavlić